

Mostra "Fragmenta"- Rebecca Korb, Melanie Schindler, Katharina Schreiter

tla Lia Mostra d'Ert - Urtijëi

Vernissage: 29.08.2025 dala 19:00

Dureda dla mostra: 30.08.2025 – 21.09.2025

Orares de giaurida:

merdi - venerdì: 16:00 – 19:00

sada y domenica 10.00 – 12.00 y 16:00 – 19:00

Fragmenta

Rebecca Korb, Melanie Schindler y Katharina Schreiter ie n culetif de ert de Leipzig. Èiles lëura ora mostres tematiche cun la opres desfrentes ndividuales. Tla mostra atuela dal titul Fragmenta vala de formes desfrentes dl tumé adum, dl pierder, de na memoria cun fai, dla vijion nia completa ma nce dla puscibltà dla trasformazion te nuef culegamënc y strutures. Te si lëures veniel mustrà su l jì n flistra tres la forma visuela ma nce tres la ideies dovia. Nscila ie la opres dla artistes metudes adum da materialai y media desfrenc che taca adum te na nstalazion y mostra unica.

La maniera de lauré dla artistes

L'opra „Es war einmal“ (l fova n iede) de **Rebecca Korb** ie na tenscion danter n fruzé su y na dinamica te si dedite. La ispirazion di sies dessenes ie ruada da na perduda persunela y la crisa y la dificulteies che l porta cun sé. La composizion ti semea a na scipa rota che vën inò metuda adum. N valgun azënc de culëur cueciun, ghiel y brum romp l ambient monochrom y semea sciche n senial danter i chedri roc. L'opra „Es war einmal“ mostra su raziunalità y struttura ma nce emozion y chaos – chësc ie tipich per l lëur de Rebecca Korb.



L'opra „Erinnerungstuch“ (peza de recort) de **Melanie Schindler** ie carateriseda dal lecourt. Canche nêus lecurdon ne ie l lecord mei cumplet y l se taca a mumënc spezifiches. Nêus lascion ora cêr' ponc o i mudon. La ispirazion per chësta opira vën dal culeziuné fotos tl fonin. L ie fotos de mumënc che se n va rîesc, fraziuns de stories cumplichedes che se abina adum te n diario visuel. Melanie Schindler mêt chëstes te na nstalazion de pezes y guanc. La fotos cujides adum coche paillettes mostra su na forma estetica nueva dander l tēmp che passa, l recort, ritmo y la cronologia de enes y mēnc.



Katharina Schreiter mostra na pert de si opira „Meta K.“. Tla mostra provela a abiné la descrizion dl nstëss. Ėila se mostra nstëss, se metan n posa, tres la fotografia cun assemblages (culeziuns de roba) y tesć. L dëssa vester da udëi coche mé na pert de zech de majer, tóć desfrenc y nia cun na simbologia unica.




VITA

Rebecca Korb ie nasciuda tl 1991 tla Süddeistermark tl Austria. Tl prim ala studià Germanistica a Graz y daldo fotografia a Leipzig (Germania). Dl 2022 ala stlut ju i studies tla Hochschule für Grafik und Buchkunst a Leipzig cun l titul de Meisterschülerin (titul de ezelënza). Èila à venciù l pest di studënc de si Università y à giapà n Stipendium dala Stiftung per studënc dl popul tudësch. Dal 2023 al 2024 ala pudù pie do „Startstipendium für Bildende Kunst“ (stipendium per l scumenciamënt tl ert visuela) dl ministero dl Austria y à tëu pert al prugram de Mentoring dla Akademia dl ert visuela cun l artist Siggì Hofer.

Melanie Schindler ie nasciuda dl 1991 a Ingolstadt tla Germania y à studià fotografia tla der Hochschule für Grafik und Buchkunst a Leipzig y fajova pert dla tlas de Peter Piller, Jochen Smith, Özlem Altin und Loretta Fahrenholz. Dal 2024 studieiela terapia dl'ert tla Hochschule für Bildende Künste a Dresden (Germania). Te si lëures vala dla reflescion dl lëur artistich per sé, dl sperimenté cun puscibleies grafiches y materiai desfrenc per tenì su n lecourt tres obiec mudifiche y simboi persunei. N valgun opres lëurela datrai ite te na unica nstalazion.

Katharina Schreiter ie nasciuda dl 1984 a Dresden y à stlut ju cun Diplom y cun titul de Meisterschülerin la Hochschule für Grafik und Buchkunst a Leipzig. Èila lëura cun nstalazions, fotografia y test. Te si opres mesceidela fotografia metuda te na scenografia – for danter na sort de cunté nventà y architettura che passenea leprò. La tematiches zentreles ie la costruzion de identità, corp y lecurdanza tl mudé ju danter la lerch y l nstëss. Te si atelier fejela su scenografies sciche n palch ma nce sciche na spersa per pruezion de ideies. Te chësta costruzions se mostrela tres performances y chëdri de ëila nstëssa y autri obiec.



Lia Mostra d'Ert – Circolo
Plaza S. Antone 102
I – 39046 Urtijëi (BZ)
Tel. 377-5936350
info@circolo.eu